

UNLIMITED...

Gwneud cais am Brif Wobr Ymchwil a Datblygu 2019

Cyflwyniad

Ym mis Mawrth 2019 byddwn yn dyfarnu nifer o gomisiynau i ddatblygu, cynhyrchu ac arddangos prosiectau uchelgeisiol gan artistiaid eithriadol sy'n anabl a chwmnïau ar draws pob llwyfan. Gellir gwneud cais am y rhain o fis Medi 2018 ymlaen.

Gwybodaeth am 'Unlimited'

Mae 'Unlimited' yn rhaglen gomisiynu, sy'n cefnogi prosiectau creadigol gan artistiaid anabl a chwmnïau mewn ffurfiau celf yn cynnwys celfyddydau perfformio, llên, perfformiad, paentio, cerflunio, gweithiau cyhoeddus, ffotograffiaeth, gwaith celf digidol, gosodiadau, ffilmiau a mwy. Mae 'Unlimited' am newid y canfyddiadau am bobl anabl drwy gomisiynu gwaith newydd, arloesol ac o ansawdd uchel. Rhwng 2013 a 2016, fe wnaethon ni gefnogi dros 2,300 o ddyddiau perfformio ac arddangosfeydd gan artistiaid anabl, gwaith gafodd ei weld gan dros 130,000 o bobl.

Roedd 'Unlimited' yn rhan o Olympiad Celfyddydol Llundain 2012, ac yn 2013 dyfarnwyd cyllid i sefydliadau 'Shape Arts' ac 'Artsadmin' oddi wrth Gyngor Celfyddydau Lloegr i gyflenwi'r rhaglen. Caiff y cyfnod hwn o waith 'Unlimited' (2016 – 2020) ei gefnogi gan gyllid oddi wrth Gyngor Celfyddydau Lloegr, 'Spirit of 2012', Cyngor Celfyddydau Cymru a'r Cyngor Prydeinig.

Pwy sy'n gallu gwneud cais?

Mae yna anogaeth ar artistiaid anabl sydd wedi eu sefydlu'n broffesiynol a chwmnïau sy'n cynorthwyo gwaith ymhlith yr anabl ac wedi eu lleoli yng Nghymru a Lloegr i wneud cais. Ystyr 'wedi eu sefydlu' ydy'r artistiaid a chwmnïau sydd wedi arddangos eu gwaith yn gyhoeddus, ac wedi derbyn ymateb cadarnhaol i hynny.

Mae 'Shape' ac 'Artsadmin' yn defnyddio diffiniad cynhwysol o anabledd yn seiliedig ar y dull '**Social Model/Model Cymdeithasol**' o fynd o'i chwmpas hi, sydd, drwy ganolbwyntio ar y rhwystrau osodir gan gymdeithas, yn cynnwys pob nam corfforol, synhwyrol ac anweladwy, anabledd dysgu, iechyd meddwl, a chyflyrau niwro-ddargyfeiriol a gorflinder. Os ydych chi'n credu eich bod ymhlith y rhain, a/neu wedi cael profiad o rwystrau rhag mynediad, rydyn ni'n eich gwahodd i wneud cais.

Delivered by



**ARTS
ADMIN.**

Funded by



Supported using public funding by
**ARTS COUNCIL
ENGLAND**



 Cyngor Celfyddydau Cymru
Arts Council of Wales



Am ba fath o waith rydyn ni'n chwilio?

Caiff grantiau ymchwil a datblygu eu rhoi i artistiaid/i gwmnïau sy'n dymuno archwilio camau cynnar prosiect newydd. Rydyn ni'n chwilio am waith mewn unrhyw ffurf o gelfyddyd sydd yn: arloesol, rhagorol ac yn cael ei arwain gan artistiaid anabl. Am y gelfyddyd, nid am yr anabledd mae 'Unlimited' yn chwilio; gallai peth gwaith adlewyrchu anabledd, gallai arall beidio. Gall y gwaith fod â chysylltiad ag unrhyw destun neu thema.

Mae'r cyllid hwn ar gyfer ymchwil a datblygu (R & D), fodd bynnag rhagwelir y bydd canlyniadau'r ymchwil a datblygu'n cael ei rannu neu arddangos mewn rhyw ffurf neu'i gilydd fel rhan o bob prosiect.

Meini Prawf Allweddol:

- wedi ei arwain gan anabledd
- ansawdd, arloesedd ac uchelgais
- hanes blaenorol cadarn o greu gwaith a chyrraedd cynulleidfaoedd
- cydweithredu a phartneriaethau sy'n bodoli (gall rhain gynnwys rhai heb fod â chysylltiad â chwmnïau/artistiaid/cynhyrchwyr ym maes anabledd) – neu gynlluniau i ddatblygu rhain drwy gyfrwng yr ymchwil a datblygu
- yr artist arweiniol neu gwmni yn byw yng Nghymru neu Loegr

Gobeithiwn allu cefnogi ystod o syniadau o ran ffurf y gelfyddyd, graddfa a lleoliad – ar draws yr holl wobrau.

Gwobrau Partneriaeth

Ar gyfer y rownd hon, mae 'Unlimited' mewn partneriaeth â nifer o sefydliadau sy'n darparu cyllid ar gyfer gwobrau ychwanegol o'r enw Gwobrau Partneriaeth. Mae yna Wobrau Partneriaeth ar gael yn y Prif Wobrau Ymchwil a Datblygu a'r Prif Gomisiynau. Mae gwneud cais am Wobr Partneriaeth yn opsiynol – gall ymgeiswyr ddewis cael eu hystyried am un neu ragor o'r rhain ar y ffurflen gais os ydyn nhw'n dymuno hynny.

Dyma'r Gwobrau Partneriaethau sydd ar gael ymhlith y Prif gomisiynau Ymchwil a Datblygu:

Gwobr Cerfluniau Ymchwil a Datblygu 'Forest of Dean Sculpture Trust R&D Award'
Cynigir y wobr a gefnogir gan 'Forest of Dean Sculpture Trust' ac 'Unlimited' am brosiect ymchwil a datblygu sy'n ystyried potensial y goedwig fel lleoliad i gelf cyfoes, gan ganolbwyntio'n arbennig ar gerflunwaith. Mae Llwybr y 'Forest of Dean Sculpture Trail' wedi ei leoli yn Swydd Gaerloyw ac yn 4.5 milltir o hyd, yn rhad ac am ddim, i gael profiad o gelf cyfoes mewn ardal goediog. Un o uchelgeisiau allweddol ein rhaglen ydy datblygu cyfleoedd dysgu i gynulleidfaoedd sy'n debygol o gael eu hallgàu oddi wrth gelf ac amgylcheddau naturiol.

Dylai prosiectau sydd am gael eu hystyried am y wobr hon hefyd gwrdd â'r meini prawf canlynol:

- perthnasu i'r amgylchedd naturiol a lleoliad unigryw Fforest y Ddena (Forest of Dean) a'i fod yn addas i'w osod mewn cyd-destun yn yr awyr agored.
- bod y canlyniadau wedi eu hanelu at gynulleidfa eang.
- arddangos parodrwydd i gydweithio ag ystod o fudiadau cysylltiedig â choedwigaeth (e.e. Comisiwn Coedwigaeth Lloegr) a phartneriaethau lleol eraill i helpu rhannu'r gwaith.
- ymglymu â chynulleidfa ymddiriedolaeth y 'Sculpture Trust' a hyrwyddo eu dysgu am gelf gyfoes.

Gwobr Ymchwil a Datblygu 'Forma'

Gwobr wedi ei chefnogi gan 'Forma' ac 'Unlimited' am brosiectau ymchwil a datblygu sy'n pylu ffiniau ffurfiau ar gelf ac yn herio cynulleidfa drwy ffurf a chynnwys. Gofynnir i artistiaid ystyried ansawdd drwy brofiad o'u gwaith, a chyfle i'w archwilio drwy dechnegau traws ddisgyblaethol a dulliau arddangos.

Bydd 'Forma' yn darparu cymorth curadurol a chynhyrchu ar gyfer yr ymchwil a datblygiad o'r prosiect a ddewisir. Bydd y gwaith yn adeiladu ar brofiad 20 mlynedd Forma o gynhyrchu gwaith uchelgeisiol sy'n clymu ynghyd dulliau o fynd ati ac arbenigedd o fyd celf, miwsig, ffilm a theatr. Gallai hyn ymestyn i ganfod cydweithredwyr creadigol a thechnegol fydda'i caniatáu i'r prosiect gyrraedd ei lawn potensial mewn ymgynghoriad gyda'r artist.

Rhaid i brosiectau sy'n dymuno cael eu hystyried am y wobr hon hefyd gwrdd â'r meini prawf canlynol:

- datblygu gosodiad neu waith celf ymdrwythol (immersive)
- cynnwys elfennau rhyngweithiol, byw neu ddelweddau symudol

Gwobr Ymchwil a Datblygu Partneriaeth 'GOSH Arts Partnership'

Caiff y wobr gefnogaeth 'GOSH Arts', rhaglen gelf Ysbyty Great Ormond Street ac 'Unlimited' ar gyfer prosiect ymchwil a datblygu fydd yn ymglymu cleifion yr ysbyty, eu teuluoedd a gweithwyr meddygol proffesiynol. Bydd 'GOSH Arts' yn cynnwys mynediad i ystod o adnoddau a chefnogi ymglymiad poblogaeth yr ysbyty a chymuned ehangach yn y prosiect.

Bydd angen i brosiectau sydd am eu hystyried ar gyfer y wobr hon gwrdd â'r meini prawf canlynol:

- ymglymu clinigwyr a chleifion o'r adrannau offthalmoleg ac awdioleg yn Ysbyty Great Ormond Street (GOSH)
- dewis un o'r themâu hyn, sef Cerdd, Gŵyl a Chymuned
- rhannu canlyniadau'r gwaith yn gyhoeddus ac mewn modd y gall poblogaeth yr ysbyty ymglymu gyda'r gwaith

Gwobr Ymchwil a Datblygu Partneriaeth 'Wellcome Collection'

Caiff y wobr ei chefnogi gan 'Wellcome Collection' ac 'Unlimited' a'i dyfarnu a gyfer ymchwil a datblygu sy'n herio'r modd rydyn ni'n meddwl a theimlo am ieched. Bydd y wobr yn

cefnogi proses ymchwil a datblygu fydd yn cyfuno profiad byw o iechyd, ymchwil hanesyddol a gwyddoniaeth gyfoes biofeddygol, yn unol â chenhadaeth i gysylltu gwyddoniaeth, meddygaeth, bywyd a chelf.

Bydd 'Wellcome Collection' yn cynnig cymorth ychwanegol drwy roi mynediad i'w archifau ac yn hwyluso perthynas gydag ymchwilwyr iechyd. Gallai artistiaid ddefnyddio'r wobwr i archwilio safbwyntiau o'u iechyd neu anabledd eu hunain, neu gymryd agwedd cyfan gwbl wahanol at y pwnc.

Dylai prosiectau sydd am gael eu hystyried ar gyfer y wobwr hon hefyd gwrdd â'r meini prawf canlynol:

- Arddangos diddordeb mewn archwilio gwyddoniaeth ac ymchwil seiliedig ar iechyd a/neu gasgliadau ac archifau yn ymwneud â iechyd
- Ystyried yn greadigol agweddau amrywiol, efallai rhai heriol, sy'n ymwneud â iechyd

Am faint o swm galla i ofyn amdano?

Bydd Prif Wobrau Ymchwil a Datblygu 'Unlimited', gan gynnwys y gwobrau partneriaeth, yn amrywio rhwng **£5,000** a **£10,000**, yn ôl eu graddfa a'u huchelgais. Disgwylir i ymgeiswyr gynnwys costau mynediad yn eu cais. Rhagwelir ariannu rhwng saith a deg gwobr Ymchwil a Datblygu.

Sut i wneud cais:

Mae dwy ran i'r broses ymgeisio:

1. Mynegi Diddordeb
2. Gwneud Cais Llawn, dim ond y rhai sydd ar rhestr fer

Gwneud cais ar-lein ar: weareunlimited.org.uk/apply-to-unlimited/

Mae cymorth mynediad ar gael ar gyfer pob cais, gan gynnwys fformatau amgen a chymorth wedi ei deilwra.

Amserlen y Comisiynu

- **Dydd Iau 13 Medi 2018:** porth ceisiadau Mynegi Diddordeb yn agor
- **Dydd Llun 29 Hydref 2018, 12pm:** dedlein i gynigion Mynegi Diddordeb
- **Dydd Llun 3 Rhagfyr 2018:** Cyhoeddi'r rhestr fer, agor y porth i Geisiadau Llawn
- **Dydd Llun 11 Chwefror 2019, 12pm:** dedlein olaf i dderbyn Ceisiadau Llawn
- **Mawrth 2019:** cyhoeddi penderfyniadau ar pwy sy'n derbyn cyllid
- **Mai 2019:** y prosiectau'n cychwyn

Mynegi Diddordeb

Byddwch angen cyflwyno:

- Atebion i bedwar cwestiwn ynglŷn â'ch cymhwyster i wneud cais

- Gwybodaeth sut i gysylltu â chi ac enw'r prosiect, yr artist(iaid) a chynhyrhydd ar gyfer y prosiect
- Disgrifiad o'r prosiect (uchafswm 400 gair)
- Bras-amcan o'r swm byddwch yn gofyn amdano oddi wrth 'Unlimited', os byddwch ar y rhestr fer
- Bywgraffiad byr o'r artist/cwmni arweiniol a'r partner cynhyrchu (100 gair yr un)
- Opsiynol: ychydig o ddeunydd cefnogol megis delweddau, fideo, awdio neu ddogfennau, perthnasol i'r prosiect arfaethedig neu'n dangos gwaith blaenorol.

Cais Llawn

Caiff y rhai sydd ar y rhestr fer wahoddiad i gyflwyno Cais Llawn a byddan nhw'n derbyn canllawiau wedi eu teilwra gan Dîm 'Unlimited' am y meini prawf cysylltiedig â'u syniad am brosiect. Os cewch wahoddiad i gyflwyno Cais Llawn, yna bydd angen i chi ddarparu'r canlynol:

- Enw'r prosiect, yr artist(iaid) a'r cynhyrhydd sydd ynghlwm â'r prosiect
- Crynodeb o'r prosiect (dim mwy na 200 gair)
- Cynnig sy'n rhoi manylion y prosiect a'i addasrwydd ar gyfer 'Unlimited' (dim mwy na 1000 gair)
- Cyllideb fanwl
- Rhagor o wybodaeth am fynediad ar gyfer artistiaid a chynulleidfaoedd (dim mwy na 200 gair)
- Bywgraffiadau llawn neu CV ar gyfer yr artist(iaid) arweiniol a'r cynhyrhydd/wyr
- Deunyddiau atodol ar ffurf delweddau, fideo, awdio, neu ddogfennau, perthnasol i'r prosiect dan sylw neu'n dangos gwaith blaenorol.
- Cymeradwyaeth cymheiriaid a/neu sylw yn y wasg: llythyr argymell a/neu sylw yn y wasg (dim mwy na 2 dudalen)

Darllenwch ein hadran Cwestiynau Mynych (FAQ) am ragor o wybodaeth gan gynnwys sut i wneud cais drwy wahanol fformatau.

Y Broses Ddethol

Caiff pob cais Mynegi Diddordeb cymwys ei asesu gan banel fydd yn cynnwys cynrychiolwyr o'r cyllidwyr a phum unigolyn wedi eu dewis ymlaen llaw drwy broses ceisiadau agored. Bydd anabledd yn cael blaenoriaeth gan y panel. Am ragor o wybodaeth am y Panel Dewis, ewch i'r wefan

weareunlimited.org.uk/apply-to-unlimited/selection-panel

Os hoffech chi gael y wybodaeth hon mewn fformat arall, yna gofynnwch i ni, os gwelwch yn dda.

Os oes gennych awydd gofyn cwestiynau eraill am fynediad, wedi i chi ddarllen yr holl wybodaeth, rhowch wybod i ni drwy gysylltu â Sara Dziadik yn Shape Arts ar sara@shapearts.org.uk neu ar y ffôn ar 020 7424 7336.